

SLUŽBA ZA MEĐUNARODNU SARADNU UNIVERZITETA U SARAJEVU



# DRUGI SAJAM STIPENDIJA

2011



Vodič kroz *Drugi sajam  
stipendija 2011* u  
Sarajevu



Izdavač: Univerzitet u Sarajevu  
Služba za međunarodnu saradnju, © 2011.  
Obala Kulina bana 7/II, 71000 Sarajevo  
Bosna i Hercegovina

U saradnji sa  
Fondacijom kralja Baudouina  
Rue Brederodestraat 21  
B-1000 Brisel, Belgija

Glavni i odgovorni urednik: prof. dr. Faruk Čaklovica  
Stručni odbor: Jasna Bošnjović, Adnan Rahimić  
DTP: Adnan Rahimić  
Fotografije: Dijana Smajlović, Adnan Rahimić  
Lektori: Tarik Ćušić, Mirza Čerkez  
Tiraž: 50 komada  
Štampa: Služba za međunarodnu saradnju Univerziteta u Sarajevu

## SADRŽAJ

UVOD .....	- 4 -
OBRAĆANJA SA <i>DRUGOG SAJMA STIPENDIJA 2011</i> .....	- 5 -
STIPENDIJE .....	- 7 -
STUDENTI-AMBASADORI .....	- 8 -
POSJETITELJI.....	- 8 -
PROMOCIJA .....	- 9 -
UČESNICI: ALPBACH (IGAS).....	- 11 -
UČESNICI: AMBASADA ČEŠKE REPUBLIKE U BiH.....	- 12 -
UČESNICI: AMBASADA JAPANA U BiH.....	- 13 -
UČESNICI: AMBASADA SJEDINJENIH AMERIČKIH DRŽAVA U BiH.....	- 14 -
UČESNICI: AMBASADA TURSKE U BiH.....	- 15 -
UČESNICI: AMERICAN COUNCILS .....	- 16 -
UČESNICI: BHV EDUCATION.....	- 17 -
UČESNICI: BRITISH COUNCIL .....	- 18 -
UČESNICI: CEI NAHLA .....	- 19 -
UČESNICI: DAAD .....	- 20 -
UČESNICI: FONDACIJA „KONRAD ADENAUER“ .....	- 21 -
UČESNICI: HEMA FOUNDATION.....	- 22 -
UČESNICI: IAESTE BiH LC SARAJEVO.....	- 23 -
UČESNICI: INTERNACIONALNI UNIVERZITET U SARAJEVU .....	- 24 -
UČESNICI: OMLADINSKA INFORMATIVNA AGENCIJA .....	- 25 -
UČESNICI: POSAO.BA .....	- 26 -
UČESNICI: SARAJEVO SCHOOL OF SCIENCE AND TECHNOLOGY.....	- 27 -
UČESNICI: STUDENTSKI INFORMATIVNI CENTAR.....	- 28 -
UČESNICI: STUDENTSKI PARLAMENT UNIVERZITETA U SARAJEVU .....	- 29 -
UČESNICI: UDRUŽENJE „SPAJALICA“.....	- 30 -
UČESNICI: UDRUŽENJE STUDENATA „STUDIRAJeu“ .....	- 31 -
UČESNICI: UNIVERZITET U SARAJEVU .....	- 32 -
ISKUSTVA SA <i>DRUGOG SAJMA STIPENDIJA 2011</i> .....	- 33 -
GALERIJA .....	- 34 -

## **UVOD**

Kako bi se na što bolji način promovirala važnost stipendija za otvaranje i povećanje pristupa visokom obrazovanju, u Sarajevu je organizovan *Drugi sajam stipendija 2011*. Prethodne godine je spomenuti sajam predstavljen prvi put u Bosni i Hercegovini i odmah stekao status događaja koji promiče širenje i podsticanje mobilnosti studenata, nastavnika, saradnika i svih ostalih kako u Bosni i Hercegovini, tako i izvan nje.

*Drugi sajam stipendija 2011* je organizirao Univerzitet u Sarajevu u saradnji sa Fondacijom kralja Baudouina, Mašinskim fakultetom i Studentskim parlamentom Univerziteta u Sarajevu.

Na Mašinskom fakultetu Univerziteta u Sarajevu (Wilsonovo šetalište 9) je 9. aprila 2011. godine, u vremenu od 10,00 do 17,00 sati, održan *Drugi sajam stipendija 2011* na kojem su učestvovale institucije koje su predstavile različite oblike finansijske podrške (stipendije, jednokratnu finansijsku podršku, kredite, zajmove itd.) bh. građanima za studij u Bosni i Hercegovini i inozemstvu (vladine i nevladine organizacije, diplomatsko-konzularna predstavništva, centri civilnih inicijativa, lokalne zajednice, strane institucije, kulturni centri i dr.).

Glavni cilj *Drugog sajma stipendija 2011* je promoviranje važnosti stipendija za otvaranje i povećanje pristupa visokom obrazovanju. Stipendije imaju ključnu ulogu u uklanjanju finansijskih prepreka pristupu visokom obrazovanju, te izravno utječu na povećanje broja visokoobrazovanih osoba koje će doprinositi dalnjem ekonomskom razvoju Bosne i Hercegovine, te stvaranju društva utemeljenog na znanju.

## OБРАЋАЊА SA DRUGOG SAJMA STIPENDIJA 2011

### Prof. dr. Slavenka Vobornik, prorektoresa za nastavu Univerziteta u Sarajevu

Uz riječi dobrodošlice *Drugi sajam stipendija 2011* otvorila je prof. dr. Slavenka Vobornik, prorektoresa Univerziteta u Sarajevu, te istakla da je glavni cilj Sajma promoviranje važnosti stipendijskog pristupa visokom obrazovanju:



*Poštovani učesnici Sajma stipendija, cijenjeni ponuđači stipendija, koji želite da pomognete našim studentima tokom studija kroz različite vidove finansijske podrške, poštovani sadašnji i budući studenti Univerziteta u Sarajevu, koji trebate finansijsku potporu kako biste uspješno završili vaše studije, imam čast i zadovoljstvo otvoriti Sajam stipendija kojeg Univerzitet u Sarajevu organizira po drugi put, nakon što je prošlogodišnji Sajam polučio dobre rezultate.*

*Namjera Sajma stipendija je da na jednom mjestu, u jednom danu studentima, nastavnicima i saradnicima učinimo dostupnim što je moguće više informacija o stipendijama za studij kako u zemlji, tako i u inostranstvu.*

*Univerzitet u Sarajevu je prepoznao važnost stipendiranja*

*i drugih oblika finansijske potpore za studente u ovim višestruko teškim vremenima i zato je pokrenuo niz aktivnosti koje imaju za cilj omogućiti da što veći broj mladih ljudi nesmetano studira i stekne visoko obrazovanje.*

*Pored Sajma stipendija, kojeg je prošle godine posjetilo preko 2000 studenata, Univerzitet u Sarajevu je utemeljio i vlastiti fond za stipendiranje talentiranih i socijalno ugroženih studenata, koji se puni iz vlastitih prihoda – dobrotoljnim prilozima svih članova akademske zajednice (nastavnika i studenata) i svih članica Univerziteta (fakulteta, akademija i centara Univerziteta u Sarajevu).*

*Također je na ovogodišnjoj Univerzitetskoj berzi pokrenuo projekat kreditiranja studenata od komercijalnih banaka, te potpisao sporazum sa Raiffeisen bankom i Unicredit bankom o kreditiranju naših studenata pod prihvatljivim uvjetima (niskom kamatnom stopom i povoljnim grace periodom).*

*Osim toga, Univerzitet u Sarajevu sudjeluje u mnogim međunarodnim projektima mobilnosti i razmjene studenata, kao što su: BASILEUS, CEEPUS, JoinEU-SEE, S4WB, EM2STEM, kroz koje se nude različite vrste stipendija iz EU fondova za naše studente svih ciklusa studija, kao i za druge akademske osobe u svrhu profesionalnog usavršavanja i cjeloživotnog učenja, a koje se realiziraju na univerzitetima u inostranstvu.*

*Cilj svih ovih aktivnosti je uklanjanje finansijskih prepreka pristupu visokom obrazovanju, te povećanju broja studenata, koji je prema nekim statistikama u našoj zemlji nezadovoljavajući, jer svega 20% mladih ljudi studira na nekoj od visokoškolskih institucija. U zemljama EU taj procent je mnogo veći.*

*Cilj ovih aktivnosti je i povećati efikasnost studiranja, odnosno uspješnost u studiju. Na taj način će se povećati broj visokoobrazovanih građana u našem društvu, a obrazovane osobe će dalje na pravi način doprinositi ekonomskom i sveukupnom razvoju BiH, te izgrađivanju društva utemeljenog na znanju. U BiH, prema nekim statistikama, svega 5% stanovništva je sa visokim obrazovanjem, dok je npr. u Hrvatskoj preko 7% stanovnika sa visokim obrazovanjem, a u EU preko 15%. Iz ovih brojčanih pokazatelja postaje jasno zašto svi zajedno moramo poduzimati mjere poticanja i pomaganja kako studenata u sva tri ciklusa studija, tako i svih drugih osoba koje imaju potrebu za dodatnim usavršavanjem ili Life Long Learning.*

*Nadam se da će ovaj sajam pomoći mnogima da pristupe visokom obrazovanju i uspješno ga okončaju.*

*Zahvaljujem svima koji su prepoznali važnost visokog obrazovanja za razvoj zemlje i iskazali spremnost da ponudom na ovom sajmu iz svojih sredstava pruže finansijsku podršku našim studentima. Dalekosežno gledano, njihovo dobro djelo danas će biti bogato uzvraćeno u budućnosti.*

Također, želim zahvaliti domaćinu Sajma – Mašinskom fakultetu Univerziteta u Sarajevu, koji nam je omogućio korištenje ovog prostora, kao i belgijskoj Fondaciji kralj Baudouina i Studentskom parlamentu Univerziteta u Sarajevu kao suorganizatorima Sajma.

Još jedanput – hvala svima! Proglašavam Sajam stipendija otvorenim i želim da što veći broj mlađih ljudi na Sajmu pronađe svoju šansu za uspješno studiranje kako na Univerzitetu u Sarajevu, tako i na univerzitetima u inozemstvu.

### Prof. dr. Ejub Džaferović, dekan Mašinskog fakulteta Univerziteta u Sarajevu



U ime domaćina – Mašinskog fakulteta Univerziteta u Sarajevu – prisutne je pozdravio i prof. dr. Ejub Džaferović, dekan Fakulteta, te naglasio:

*Drugi sajam stipendija 2011 organizovan je s namjerom kako bi se na jednom mjestu i u jednom danu studentima, nastavnicima i saradnicima omogućilo što više informacija o stipendijama za studij kako u zemlji, tako i u inozemstvu.*

### Emir Suljagić, ministar obrazovanja i nauke Kantona Sarajevo

Emir Suljagić, ministar obrazovanja i nauke Kantona Sarajevo, obraćajući se prisutnim studentima naglasio je da stipendije i studiranje ne predstavljaju pravo, već privilegiju da imaju mogućnost posvetiti se isključivo učenju i radu na sebi.

Također, ne zaboravite da vi dolazite iz zemlje zbog koje morate biti pet puta bolji da biste pod istim uslovima učestvovali kada izđete na strano tržište, istakao je ministar Suljagić.




## **DRUGI SAJAM STIPENDIJA 2011**


### **STIPENDIJE**

Na *Drugom sajmu stipendija 2011* predstavljene su 22 institucije koje dodjeljuju različite oblike finansijske podrške (stipendije, jednokratnu finansijsku podršku, kredite, zajmove itd.) bh. građanima za studij u Bosni i Hercegovini i inozemstvu (vladine i nevladine organizacije, diplomatsko-konzularna predstavništva, centri civilnih inicijativa, lokalne zajednice, strane institucije, kulturni centri i dr.).

**Vrsta finansijske podrške koju su učesnici Sajma prezentirali**



**Učesnici Drugog sajma stipendija 2011**



Iako je ponuda stipendija za studiranje u inozemstvu i u Bosni i Hercegovini bila najviše zastupljena na Sajmu, posjetitelji su pokazali veliku zainteresiranost za vodiče i priručnike za studiranje, kao i web portale koji su nudili informacije o ponudama stipendija i iskustvu dosadašnjih stipendista van Bosne i Hercegovine.

## STUDENTI-AMBASADORI


Kako bi se projekti mobilnosti Erasmus Mundus 2 (BASILEUS, JoinEU-SEE i EM2STEM) što bolje predstavili i približili svim zainteresiranim koji su posjetili *Drugi sajam stipendija 2011*, angažovali smo studente, odnosno bivše stipendiste ovih projekata da kroz svoje iskustvo – od prijavljivanja do boravka na partnerskim EU univerzitetima – prenesu svoje doživljaje i ohrabre zainteresirane da se prijave za jednu od ponuđenih stipendija.



## POSJETITELJI

*Drugi sajam stipendija 2011* godine posjetilo je oko 5.000 posjetitelja, što je premašilo prošlogodišnju posjetu *Prvog sajma stipendija* (2.000 posjetitelja). Služba za međunarodnu saradnju Univerziteta u Sarajevu je provela anketu među posjetiteljima Sajma i dobila rezultate profila posjetitelja, kao i statistiku posjeta i interesa na Sajmu.

Profil posjetitelja




Iako su studenti činili većinu posjetitelja *Drugog sajma stipendija 2011*, čak 16% posjetitelja su činile zaposlene osobe koje su iskoristile da dođu i potraže prilike za dodatno obrazovanje ili usavršavanje. Značajno je primijetiti dolazak članova porodice koji su se raspitivali za stipendije u ime drugih. Ono što je bilo veoma pohvalno jeste posjeta srednjoškolaca-maturanata, koji su se unaprijed raspitivali o prilikama za stipendiranje.

## PROMOCIJA

Kako bismo vijest o organizaciji *Drugog sajma stipendija 2011* što bolje predstavili i time privukli zainteresirane da na jednom mjestu pronađu informacije o stipendijama, uradili smo veliku medijsku promociju. Kroz izjave, gostovanja u jutarnjim i dnevnim emisijama, te u radio programima, predstavili smo projekat koji je na kraju i rezultirao sa oko 5.000 posjetitelja. Iako smo *Drugi sajam stipendija 2011* promovirali na prethodnim info danima i seminarima nekoliko mjeseci unatrag, zvanična medijska promocija dešavala se od 08. 04. do 19. 04. 2011. godine.

Medijske kuće, kao i vrste medija koji su bile zastupljeni u promociji prikazani su grafikonom ispod.

Vrste medija



**TV:** FotoArt, TV Hema, TVSA, Hayat, BHT, FTV

**Radio:** Radio F BiH, BH Radio 1, Radio Stari Grad, Radio M, eFM radio, Radio 8, Radio Sarajevo

**Print:** Oslobođenje, Dnevni avaz, časopis „Student“

**Web:** Sensservis, Sarajevo-X, Stipendije.ba, Posao.ba, Depo.ba portal, source.ba

**Novinske agencije:** FENA, ONASA, Nezavisna novinska agencija



## Učesnici Drugog sajma stipendija 2011 Participants at The Second Scholarship Fair 2011



ALPBACH (IGAS)



AMBASADA ČEŠKE REPUBLIKE U BOSNI I HERCEGOVINI



AMBASADA JAPANA U BOSNI I HERCEGOVINI



AMBASADA SAD-a U BOSNI I HERCEGOVINI



AMBASADA TURSKE U BOSNI I HERCEGOVINI



AMERICAN COUNCILS



BHV EDUCATION



BRITISH COUNCIL



CEI NAHLA



DAAD



FONDACIJA KONRAD ADENAUER



HEMA FONDACIJA



IAESTE BiH LC SARAJEVO



INTERNACIONALNI UNIVERZITET SARAJEVO



OMLADINSKA INFORMATIVNA AGENCIJA



POSAO.BA



SARAJEVO SCHOOL OF SCIENCE AND TECHNOLOGY



STUDENTSKI INFORMATIVNI CENTAR



STUDENTSKI PARLAMENT UNIVERZITETA U SARAJEVU



UDRUŽENJE "SPAJALICA"



UDRUŽENJE STUDENATA "STUDIRAJeu"



UNIVERZITET U SARAJEVU





## UČESNICI: ALPBACH (IGAS)



IGAS (Inicijativna grupa Alpbach u Sarajevu) predstavlja neprofitno udruženje, registrovano u BiH 2007. godine, koje je zvanično prihvaćeno kao partner Evropskog forumu Alpbach. Aktivnosti IGAS-a se, između ostalog, sastoje u promociji Evropskog foruma Alpbach, kao i pružanju pomoći studentima i onima koji su nedavno diplomirali za učestvovanje na istom. Kroz svoje aktivnosti IGAS teži povećanju broja stipendista iz BiH za Evropski forum Alpbach – sa svih univerziteta u BiH, kao i promociji obrazovanja, međunarodne univerzitetske saradnje i drugim pitanjima mladih.

Na manifestaciji *Drugi sajam stipendija 2011* IGAS-a je vršio promociju Evropskog foruma Alpbach 2011. među zainteresiranim studentima, kao i rekapitulaciju svojih prethodnih aktivnosti. Naime, ove godine, u periodu od 18. augusta do 3. septembra, u austrijskom selu Alpbach održava se 66. Evropski forum Alpbach o temi „Pravda – odgovornost za budućnost”.

Od 1945. do danas Evropski forum Alpbach se održava svakog augusta u austrijskoj pokrajini Tirol, uz učešće renomiranih govornika, uvaženih ličnosti iz oblasti društvenih, prirodnih i tehničkih nauka iz cijelog svijeta, poslovnih ljudi i zvaničnika država koji posjećuju Alpbach s ciljem diskutovanja o aktualnim svjetskim problemima i pronalaska rješenja na iste uključivanjem studenata i ličnosti iz svih sfera društva u predavanja, okrugle stolove i debate.



**Web stranica Foruma:  
Alpbach [www.alpbach.org/](http://www.alpbach.org/)**

**IGAS (bh. partner Forumu Alpbach):  
[www.igas.ba](http://www.igas.ba)**



**Pridružite se Facebook grupi IGAS na:  
[www.facebook.com/fb.igas.ba](http://www.facebook.com/fb.igas.ba)**

**E-mail kontakt: [stipendije@igas.ba](mailto:stipendije@igas.ba)**



## UČESNICI: AMBASADA ČEŠKE REPUBLIKE U BiH



Visoko obrazovanje u Češkoj Republici uživa svjetsku reputaciju zbog visokog kvaliteta kojeg nudi. Ovaj kvalitet je zaštićen nacionalnim sistemom propisa i osiguravanjem kvaliteta. Naglasak na obrazovanje je razumljiv jer je uvek igrao ključnu ulogu u životu ljudi Češke Republike. Bilo je to upravo u Pragu 1348. godine, gdje je osnovan prvi univerzitet u centralnoj Evropi (tadašnji češki kralj Karlo IV). Obuka i istraživanja bili su presudni za razvoj nove nacije u svojoj modernoj historiji. Češka, mala zemlja u srcu Evrope, itekako je svjesna da međunarodna saradnja u nauci i inovacijama preduvjet za dugoročan uspjeh u globaliziranom svijetu.

Studiranje u Češkoj Republici, u zemlji kulturnog raskršća, dobro je mjesto za razvoj otvorenog uma i jačanje sposobnosti svakog učenika da radi zajedno s drugim ljudima iz različitih sredina. Dakle, to, također, može poslužiti kao središte dalnjeg prilagođavanja modernom obrazovnom okruženju na evropskoj i globalnoj razini. Životni standard u Češkoj Republici je prilično visok, ali troškovi života ostaju i dalje razumni.

Ambasada Češke Republike (ČR) u Sarajevu nudi nekoliko programa stipendiranja na češkom ili engleskom jeziku. Iznos stipendije ovisi o konkretnom programu stipendiranja i obično je u visini koja pokriva osnovne troškove studenta (smještaj, hrana). Ambasada saraduje sa većim brojem institucija i moguće je dobiti stipendiju za većinu visokoškolskih smjerova. Nakon što pošaljete prijavu, a na osnovu vašeg željenog smjera studiranja, identifikovat će moći konkretne mogućnosti studija i stipendiranja.

Kandidat iz BiH može studirati na bilo kojem javnom ili državnom fakultetu ako ispunjava tražene uvjete. Neki od fakulteta nude studiranje i na engleskom jeziku.

*Studiranje na javnim i državnim fakultetima na češkom jeziku je besplatno!*

**Ambasada Češke Republike u Bosni i Hercegovini:**  
<http://www.mzv.cz/sarajevo>

**Opće informacije o studiranju u Češkoj Republici s popisom čeških visokoškolskih ustanova i mogućnosti stipendiranja:** [www.studyin.cz](http://www.studyin.cz)

**Ministarstvo obrazovanja, omladine i sporta:**  
[www.msmt.cz](http://www.msmt.cz)

**Drugi korisni linkovi:** [www.czech.cz](http://www.czech.cz), [www.dzs.cz](http://www.dzs.cz)





## UČESNICI: AMBASADA JAPANA U BiH



Općepoznato je da Japan od završetka rata pruža razne vidove pomoći Bosni i Hercegovini. S druge strane, često smo u prilici da nas pitaju zašto Japan pomaže Bosni i Hercegovini kad je udaljenost između nas tako velika. Odgovor je vrlo jednostavan. Prije svega, Japan je zemlja koja voli mir. Mi vjerujemo da će stabilnost i mir ovdje biti užvraćeni mirom i prosperitetom u Japanu. Također, iz vlastitog iskustva u Drugom svjetskom ratu znamo šta znači

uništenje zemlje, društva i porodice. I zato teškoće Bosne i Hercegovine osjećamo kao naše vlastite. Možda je vrijedno spomenuti osnovni pristup japanske diplomacije i ciljeve Japana za zemlje Balkana, a koji se temelji na tri principa: ostvarenje čvrstog mira, ostvarenje ekonomskog razvoja i ostvarenje regionalne saradnje. Odnosi naše dvije zemlje će u bliskoj budućnosti zasigurno preći iz sadašnjeg odnosa donator – primalac u ravnopravno partnerstvo. Uzajamno djelovanje na nivou naroda je od izuzetne važnosti, jer samo takvo djelovanje može postati dobra osnova na kojoj može procvjetati poslovna razmjena. Bolje uzajamno razumijevanje je neophodno za bolje odnose ovih dviju zemalja.

### STUDIRANJE U JAPANU

1. MEXT stipendije (stipendije japanskog Ministarstva obrazovanja, kulture, sporta, nauke i tehnologije)
  - a) Stipendije za poslijediplomske (istraživačke) studije
  - b) Stipendije diplomskog studija
  - c) Stipendije za studente tehnoloških fakulteta
  - d) Stipendije za studente fakulteta za stručno usavršavanje
  - e) Stipendije za obučavanje predavača
2. Programi Japanske fondacije  
Stipendija za intelektualnu razmjenu



**Ambasada Japana u Bosni i Hercegovini**  
 Bistrik 9, 71000 Sarajevo  
 Tel.: +387 33 277500  
 Faks: +387 33 209583  
 E-mail: [japanbih@bih.net.ba](mailto:japanbih@bih.net.ba)

**ZA VIŠE INFORMACIJA O SVIM  
PROGRAMIMA STIPENDIRANJA  
POSJETITE NAŠU WEB STRANICU:**  
<http://www.bosnia.emb-japan.go.jp>



## UČESNICI: AMBASADA SJEDINJENIH AMERIČKIH DRŽAVA U BiH

Programi Američke ambasade za stipendiranje i obrazovanje u Sjedinjenim Američkim Državama:



**Fulbright Student Program** – ovo je devetomjesečna međunarodna stipendija koju dodjeljuje Stejt Department svima zainteresiranim koji u vrijeme apliciranja rade na stjecanju svojih magistarskih ili doktorskih diploma u BiH;

**Fulbright Visiting Scholar Program** – je stipendija koja omogućava posjetu naučnika iz cijelog svijeta Sjedinjenim Američkim Državama na jednu akademsku godinu profesionalnog istraživanja sa ciljem povećanja međusobnog razumijevanja među ljudima iz Sjedinjenih Američkih Država i onih koji dolaze iz drugih zemalja;

**Fulbright Science and Technology Program** – od svih stipendija, predstavlja najprestižniju stipendiju Američke vlade u oblasti nauke i tehnologije;

**Fulbright Visiting Specialist Program** – naučnici i praktičari sa dokazanim vrhunskim rezultatima u svojim akademskim, profesionalnim i društvenim poljima se pozivaju u Sjedinjene Američke Države na boravak u trajanju od 3 do 6 sedmica intenzivne nastave, predavanja i javnog obraćanja na odabranim višim školama i univerzitetima u Americi;

**Hubert H. Humphrey Program** – stipendija koja traje deset mjeseci i usmjerena je ka dalnjem profesionalnom usavršavanju sa akademskog i praktičkog aspekta;

**Junior Faculty Development Program (JFDP)** – stipendija koja omogućava nastavnom kadru (profesorima, asistentima i saradnicima), koji radi na bh. univerzitetima, boravak u trajanju od jednog semestra na univerzitetima u Sjedinjenim Američkim Državama kako bi iskusili praksu održavanja predavanja i izrade i razvoja nastavnih planova i programa;

**Study of the United States Institutes for Scholars (SUSI)** – stipendije namijenjene za univerzitetske predavače kroz učešće u kratkim ljetnim institutima izučavanja u Sjedinjenim Američkim Državama i predstavljaju jedan intenzivan postdiplomski akademski program sa uključenim studijskim putovanjima čija je svrha da se međunarodnim stranim univerzitetskim predavačima i drugim naučnicima pruži mogućnost da prodube svoje razumijevanje američkog društva, kulture i njenih institucija;

**Youth Exchange and Study Program (YES)** – jednogodišnja stipendija Američke vlade „YES“ predstavlja novi srednjoškolski program razmjene koji omogućava odlazak i boravak 15 izabranih učenika iz izabranih srednjih škola iz BiH u Sjedinjenim Američkim Državama;

**Youth Leadership Program (YLP)** – stipendija koja obuhvata šestomjesečni program sastavljen od tri različita segmenta treninga ili učenja: 1. program pripreme pred polazak za Ameriku, 2. program boravka u trajanju od četiri sedmice u Americi koji grupi od pažljivo odabralih 18 učenika i njihova 3 srednjoškolska nastavnika nudi mogućnost istraživanja principa vodstva i rukovođenja u zajednici kao i društvenog aktivizma u Sjedinjenim Američkim Državama i 3. program u trajanju od četiri mjeseca tokom kojeg YLP stipendisti rade na određenom projektu u svojim gradovima a po povratku iz SAD-a.



### Za više informacija kontaktirajete:

Paša Lejlić, koordinator akademske razmjene, Američka ambasada u Sarajevu

E-mail: [Lejlicp@state.gov](mailto:Lejlicp@state.gov)

Tel.: 033 704066



## UČESNICI: AMBASADA TURSKE U BiH

Diplomatska misija Republike Turske u Bosni i Hercegovini ima za cilj ojačavanje diplomatskih, bilateralnih, ekonomskih, kulturnih i društvenih odnosa između dvije zemlje. S tim shodno, Vlada Republike Turske ulaže velike napore u implementaciju programa koji će u najboljoj mjeri pomoći u što efikasnijoj realizaciji ovih odnosa. Jedan od vidova pomoći koje Vlada Republike Turske realizira na polju obrazovanja jesu stipendijski programi za visokoškolsko obrazovanje u Republici Turskoj koje Vlada Republike Turske unazad deset godina realizira posredstvom Ambasade Republike Turske u Sarajevu. Svake godine Vlada Republike Turske osigurava stipendije za studijske programe u Turskoj za oko 40 studenata, a broj stipendija ima tendenciju rasta iz godine u godinu. Ove godine Vlada Republike Turske je dodijelila 25 stipendija za dodiplomske, 10 za postdiplomske i 5 za doktorantske studije. Ovo su puni stipendijski programi koji pokrivaju široko područje društveno-naučnih oblasti. Pored stipendijskih programa za visokoškolsko obrazovanje, Vlada Republike Turske treću godinu zaredom organizira i programe ljetne škole učenja turskog jezika u Turskoj. Navedeni stipendijski programi se svake godine realiziraju tokom marta i aprila. S tim u vezi, svi zainteresirani za naredni ciklus stipendijskih programi mogu slobodno kontaktirati Konzularni odjel Ambasade Republike Turske početkom marta naredne godine.



**Sve detaljnije informacije o stipendijama Vlade Republike Turske i radu diplomatsko/konzularnog predstavništva Republike Turske u Bosni i Hercegovini možete dobiti na web stranicama:**

[www.yok.gov.tr](http://www.yok.gov.tr)

[www.sarajevo.emb.mfa.gov.tr](http://www.sarajevo.emb.mfa.gov.tr)

Tel.: +387 33 221858



## UČESNICI: AMERICAN COUNCILS

American Councils for International Education je međunarodna organizacija koja je počela sa radom u Sarajevu 2002. godine sa ciljem promoviranja studiranja u Americi. Svi programi koje American Councils administrira su podržani od Vlade Sjedinjenih Američkih Država. American Councils je 2003. godine počeo sa administriranjem **JFDP** (Junior Faculty Development Program) programa namijenjenog za asistente i profesore na bosanskohercegovačkim fakultetima s radnim stažom od najmanje 2 godine i koji imaju završen ili upisan magisterski studij. Program traje 5 mjeseci i cilj je da pruži učesnicima mogućnost da iskuse nastavni proces i razvoj nastavnih planova i programa u Sjedinjenim Američkim Državama. Do sada je na ovom programu učestvovalo preko 30 članova nastavnog osoblja iz cijele Bosne i Hercegovine. Program **YES** (Youth Exchange and Study Program) je započet 2008. godine, a uključuje učenike prvih i drugih razreda srednjih škola. Program omogućava učenicima da pohađaju nastavu tokom jedne akademske godine u američkim školama te su u to vrijeme nastanjeni u porodičnim kućama. Do sada je 29 učenika završilo ovaj program, te je u pripremi odlazak nove generacije učenika u SAD za školsku 2011/2012. godinu. Oba programa su u potpunosti finansirana od Američke vlade (Department of State), što znači da su besplatni za učesnike. U septembru 2009. godine počeo je sa radom **EducationUSA**, savjetodavni centar u okviru American Councils, kao jedan od preko 400 centara takve vrste širom svijeta, koji nudi iduće usluge svim zainteresiranim studentima za dodiplomski ili postdiplomski studij u Americi:

- a) davanje besplatnih, tačnih, objektivnih i nepristranih informacija o ustanovama visokog obrazovanja u Americi,
- b) besplatne savjetodavne usluge svim studentima zainteresiranim za studij u SAD-u,
- c) pomoći pri traženju institucija koje odgovaraju studijskim potrebama studenta (polje studiranja, veličina fakulteta, privatni ili javni univerzitet, sportski zahtjevi itd.),
- d) pomoći pri identificiranju mogućnosti za finansijsku pomoći (pomoći pri traženju i dobijanju raznih vidova finansijske pomoći – stipendije, *fellowships* itd.),
- e) pomoći pri razumijevanje procesa prijema, pisanja eseja, pisma preporuke, apliciranju za studentsku vizu, prijevodu dokumenata, pripremanju za život u drugoj kulturi itd. i
- f) pomoći pri registraciji i pripremi za razne prijemne testove na koledžima i univerzitetima SAD-a: TOEFL, SAT, GRE, GMAT i druge.



Za više informacija molimo javite se na:

**American Councils for  
International Education  
Kralja Tvrтka 13, 71 000 Sarajevo  
Telefon/faks: +387 33 212076**

**E-mail:**

[sarajevo@americanouncilssee.org](mailto:sarajevo@americanouncilssee.org) ili  
[educationusa@americanouncilssee.org](mailto:educationusa@americanouncilssee.org)

**Web:** [www.ac-see.org](http://www.ac-see.org) ili  
[www.educationusa.state.gov](http://www.educationusa.state.gov)




## UČESNICI: BHV EDUCATION

Želite naučiti engleski jezik, upoznati američku kulturu, steći nove prijatelje i pri tome zaraditi? BHV Education sa sjedištem u Banjoj Luci, od aprila 2003. godine djeluje kao predstavnik za jugoistočnu Evropu nekoliko eminentnih neprofitabilnih organizacija iz SAD-a i Evropske unije, a koje se bave programima kulturne razmjene, razmjenom učenika i studenata, te stipendiranjem mladih. Do sada je naše programe iskoristilo preko 2000 mladih ljudi iz Bosne i Hercegovine. BHV Education ima četiri osnovne vrste programa: srednjoškolska godina u inozemstvu, studiji u inozemstvu, kursevi jezika i učenje uz rad. Programi koji su privukli najviše pažnje su programi učenja uz rad: Work & Travel i „Au Pair“, koji pružaju mogućnost putovanja u SAD, usavršavanja engleskog jezika, rada i zabave.

**Work & Travel** je program odobren od američkog State Departmenta i namijenjen je redovnim studentima koji žele iskusiti američku svakodnevnicu radeći sezonske poslove i putujući po Americi. Radni dio programa traje minimalno 3 a maksimalno 4 mjeseca, nakon čega studenti imaju priliku još 30 dana turistički boraviti u SAD-u.

“**Au Pair**” je program namijenjen mladim ljudima od 18 do 27 godina starosti, prvenstveno djevojkama koje žele provesti 12 mjeseci u SAD-u, gdje su smještene u porodičnim kućama u kojima čuvaju njihovu djecu. Za 40 sati rada sedmično one dobiju besplatan smještaj i hranu, plaćen put do Amerike i nazad, mjesecni džeparac od preko 700 američkih dolara, plaćeno zdravstveno osiguranje i plaćen kurs engleskog jezika na nekoj visokoškolskoj instituciji (*college*). **Srednjoškolska godina u inozemstvu** je program namijenjen mladim ljudima koji žele upoznati kulturu drugih zemalja, usavršiti jezik, upoznati nove prijatelje, putovati i iskusiti inozemni srednjoškolski život. BHV Education vam pruža mogućnost izbora destinacije, te vam kroz ovaj poznati program kulturne razmjene omogućava upis u odgovarajuću školu, smještaj u porodici ili školskom domu. Ako imate između 14 i 18 godina i želite se školovati SAD-u, Kanadi, Velikoj Britaniji, Irskoj, Njemačkoj, Francuskoj, Španiji, Australiji ili Novom Zelandu, onda je ovo program za vas!

**Studiji u inozemstvu** je program koji pruža mogućnost pohađanja dodiplomskih i postdiplomskih studija na nekom od svjetski poznatih univerziteta, kao što su Boston College, Griffith College Dublin, London School of Economics, Shiller International University, Istituto Europeo di Design, Hotel Institute Montreux, Auckland University...



**Škola jezika** je program koji omogućava boravak i učenje stranog jezika po vašem izboru. Odaberite zemlju koju hoćete, a mi ćemo vam preporučiti kvalitetnu školu i smještaj, organizovati vaše putovanje, zdravstveno osiguranje i odgovarajuće pripreme.

**Više o ovim programima, kao i o ostalim programima kojima se bavi BHV Education možete saznati putem broja telefona:**

**051 212081 i 066 704000**

**ili možete posjetiti našu web stranicu:**

**[www.eduka.ba](http://www.eduka.ba)**



## UČESNICI: BRITISH COUNCIL

**British Council** je organizacija za uspostavljanje i razvoj odnosa između Velike Britanije i drugih zemalja u oblasti kulture i obrazovanja. Djelujemo u preko 100 zemalja i teritorija širom svijeta. U BiH je naš glavni ured lociran u Sarajevu, dok je naša saradnja sa lokalnim partnerima prisutna širom države.

Naše primarne oblasti djelovanja su *umjetnost, obrazovanje, društvo i engleski jezik*. Naši projekti su fokusirani na međunarodnu i regionalnu saradnju, razmjenu ideja i znanja, te razvoj BiH u procesu euro-atlantskih integracija.

Registrirani smo centar za polaganje međunarodnih ispita za engleski jezik IELTS i Cambridge ESOL, kao i za stjecanje međunarodnih kvalifikacija i polaganje ispita na britanskim obrazovnim institucijama putem „učenja na daljinu“ (*distance learning*). Naši globalni proizvodi za učenje i podučavanje jezika (Learn English and Teaching English) sadrže bogatu ponudu raznovrsnih materijala za djecu i odrasle, a dostupni su putem naše web stranice. Kroz regionalne projekte razvijamo saradnju između BiH, regionala, Evropske unije i Velike Britanije, te doprinosimo jačanju lokalnih kapaciteta.

Također, svake godine administriramo **Chevening** (Čivning) stipendije za postdiplomski studij, koje dodjeljuje Vlada Velike Britanije. Chevening stipendija predstavlja program prestižnih nagrada koje inozemnim postdiplomantima, koji žele studirati u Velikoj Britaniji, omogućavaju finansiranje studija. Ovaj program, koji finansira **Ministarstvo inozemnih poslova Velike Britanije** kojim rukovodi **British Council**, posluje u više od 150 zemalja i svake godine oko 1000 studenata dobije finansijsku podršku. Chevening stipendija se u Bosni i Hercegovini dodjeljuje od 1995. godine i do sada je više od 130 osoba dobilo ovu stipendiju.



Više informacija o stipendijama, načinu prijavljivanja i rokovima možete pronaći na:

- web stranicama:  
<http://www.chevening.com>
- British Council u BiH:  
<http://www.britishcouncil.ba>
- 





## UČESNICI: CEI „NAHLA“

„Nahla“ je bosanska nevladina organizacija koja, pružajući obrazovanje i podršku ženi i porodici, nastoji poboljšati kvalitet života i promovirati pozitivne vrijednosti u društvu.

Centar za edukaciju i istraživanje „Nahla“ osnovala je 2000. godine grupa mladih žena s ciljem da bosanskoj ženi pruži prostor u kojem će se osjećati sigurno i prihvaćeno i dobiti priliku da se obrazuje, druži, proširuje i obogaćuje svoja znanja i iskustva, te usvoji vještine neophodne za uspješno obavljanje posla i aktivno učešće u društvenom životu.




Tokom proteklih godina u „Nahli“ su znanja i vještine iz različitih oblasti stjecale stotine mladih djevojaka i žena. Vremenom je sve više žena prepoznavalo plemeniti cilj „Nahle“ i broj naših članica je stalno rastao.

U novembru 2007. dugogodišnji marljivi rad „Nahlinog“ tima krunisan je otvaranjem nove, moderno opremljene zgrade u sarajevskom naselju Otoka. Na usluzi svim ženama, bez obzira na nacionalnu ili vjersku pripadnost, nalazi se preko 1000 m<sup>2</sup> efektivnog prostora ispunjenog izuzetno širokim spektrom usluga i aktivnosti.

### Programski ciljevi:

- educirati što veći broj bosanskih žena u svim oblastima koje su im potrebne za kvalitetniji lični i društveni život i ekonomsko osnaživanje,
- ohrabriti ženu da izgrađuje svoju ličnost i upozna se sa svojim pravima u cilju poboljšanja njenog društvenog statusa i mogućnosti u društvu,
- promovirati i ohrabrvati dijalog među kulturama,
- promovirati pozitivne vrijednosti i principe vjere koji pomažu ženi u njenom duhovnom razvoju i razvoju ličnosti,
- ponuditi alternativu mladima kroz različite obrazovne projekte i
- biti utočište za sve žene kojima treba pomoći, savjet ili samo topla dobrodošlica i prijateljsko okruženje.



## Centar za edukaciju i istraživanje „Nahla“

Džemala Bijedića 122, Sarajevo

Tel.: +387 33 710650

Faks: +387 33 641664

**www.nahla.ba**



## UČESNICI: DAAD

Njemačka služba za akademsku razmjenu DAAD (Deutscher Akademischer Austauschdienst) dodjeljuje godišnje stipendije za izvrsne studente i studentice i naučnike kako bi mogli studirati i/ili istraživati na jednom od njemačkih univerziteta. U stipendiju su uključeni troškovi života i stanovanja, putovanja, a osim toga vodi se posebna briga o svakom stipendistu i njegovom uključivanju u mrežu stipendista.

Prijaviti se mogu:

- studenti i studentice svih fakulteta koji će naredne godine završiti neki BA-studij, te nakon toga žele studirati MA-studij u Njemačkoj,
- naučnici svih naučnih oblasti za istraživačke stipendije različite dužine trajanja,
- studenti i studentice te naučnici svih naučnih oblasti koji u Njemačkoj žele završiti jedan od intenzivnih kurseva njemačkog jezika,
- studenti i studentice te naučnici svih naučnih oblasti koji u Njemačkoj žele posjetiti neki od ljetnih kurseva njemačkog jezika povezan za njihovu naučnu oblast i
- studenti i studentice germanistike koji žele studirati u Njemačkoj jedan semestar ili pisati završni rad.

Uvjeti za prijavu na stipendiju su izuzetni rezultati u određenoj naučnoj oblasti, kao i dobro poznавanje njemačkog ili engleskog jezika. Krajnji rok za prijavu na stipendiju za akademsku godinu je 15. novembar svake godine. Prijave se trebaju slati direktno u Njemačku ambasadu u Sarajevu, Skenderija 3, 71000 Sarajevo.



**Web:** [www.daad.de](http://www.daad.de)

**E-mail:**

[daad-sarajevo@zvacek.de](mailto:daad-sarajevo@zvacek.de)  
(Sarajevo)

[frank\\_riedel@hotmail.com](mailto:frank_riedel@hotmail.com)  
(Banja Luka)

**Alumni udruženja bivših  
DAAD stipendista u Bosni i  
Hercegovina**

[daad@etf.unsa.ba](mailto:daad@etf.unsa.ba)



## UČESNICI: FONDACIJA „KONRAD ADENAUER“

Sloboda, pravda i solidarnost su vodeći principi u djelovanju Fondacije „Konrad Adenauer“ (KAS). KAS je politička fondacija bliska Kršćansko-demokratskoj uniji Njemačke (CDU). Kao jedan od osnivača stranke CDU i prvi njemački kancelar, Konrad Adenauer (1876–1967) povezivao je kršćansko-socijalnu, konzervativnu i liberalnu tradiciju. Njegovo ime je simbol demokratske obnove Njemačke, ulaska Njemačke u transatlansku zajednicu, vizije evropskog ujedinjenja i usmjerenja ka socijalnoj tržišnoj privredi.

Aktivnostima u oblasti međunarodne saradnje KAS se zalaže za slobodan i dostojanstven život čovjeka po vlastitom ubjedjenju. Mi se trudimo da tome i sami doprinesemo, te da kao njemačka organizacija pomognemo da Njemačka na primjer način odgovori na izazove pred kojima stoji zbog svoje rastuće odgovornosti u svijetu.

Mi želimo podstaći ljude da i sami oblikuju budućnost u tom smislu. Sa više do 70 ureda i više od 120 projekata širom svijeta dajemo vlastiti doprinos razvoju demokratije, pravne države i socijalne tržišne privrede. Radi učvršćivanja mira i slobode kontinuirano podržavamo dijalog u oblasti vanjske i sigurnosne politike, kao i dijalog između različitih kultura i religija.

Predstavništvo Fondacije „Konrad Adenauer“ u Bosni i Hercegovini otvoreno je u februaru 1997. godine. Do kraja 2000. godine ovo predstavništvo je bilo sadržajno i organizacijski nadležno za djelatnost Fondacije u Bosni i Hercegovini, Hrvatskoj, Srbiji i Crnoj Gori. Od 2001. Predstavništvo Fondacije „Konrad Adenauer“ u Bosni i Hercegovini nadležno je isključivo za projektne aktivnosti u BiH i zajedno sa mnogobrojnim domaćim i međunarodnim partnerskim organizacijama u regionu oblikuje i koordinira svoje programe u saglasnosti sa potrebama i zahtjevima bosanskohercegovačke javnosti. Od 2002. godine Fondacija „Konrad Adenauer“ je omogućila stipendije za studente prava, ekonomije i političkih nauka (završne godine) na državnim univerzitetima u Bosni i Hercegovini. Potrebni uvjeti su prosjek ocjena 8.00 (3.5 za studente Sveučilišta u Mostaru) i aktivna uloga u političkom okruženju ili volontiranju. Kroz ovaj program Fondacija „Konrad Adenauer“ pokušava

pomoći mladima koji doprinose procesu demokratizacije u Bosni i Hercegovini. Također, Fondacija pomaže i onima koji su uključeni u sektoru socijalnog razvoja. Stipendije se daju za 2 semestra i studenti primaju 250 KM mjesečno.



## Konrad-Adenauer-Stiftung Predstavništvo u Bosni i Hercegovini

**Adresa:** Ferhadija 19/I, 71000 Sarajevo

**Telefon:** +387 33 215240

**Faks:** +387 33 215239

**E-mail:** [sarajevo@kas.de](mailto:sarajevo@kas.de)

**Web:**

<http://www.kas.de/bosnien-herzegowina/bs/>

## UČESNICI: HEMA FOUNDATION



Osnovna ideja i cilj HEMA FOUNDATION jeste da se pruži šansa mladima da svojim uspješnim školovanjem, kao i volonterskim radom učestvuju u razvijanju lokalnih zajednica i vlastitih resursa. HEMA FOUNDATION nije isključivo namijenjena talentovanoj omladini, već prvenstveno pruža ruku podrške djeci koja su na neki način marginalizovana uslijed teškog socio-ekonomskog statusa i sredine u kojoj žive. Iznalazeći mogućnost da ih moralno i materijalno podrži, HEMA FOUNDATION će pokušavati da im olakša svakodnevnicu i pomogne da završe fakultet i stanu na svoje noge. HEMA FOUNDATION će kroz svoj angažman i svoje zalaganje da pomogne kvalitetnim mladim ljudima željnim znanja i usavršavanja i insistirati, prije svega, na odgovornom pristupu mlađoj generaciji i njenom potencijalu, naročito u sferi obrazovanja i odgoja mlađih talenata, jer su oni ti koji imaju sve što je potrebno za napredovanje i daljnji razvoj BiH, a mi smo samo nevidljiva ruka koja će ih čuvati da ne padnu sa litice u svijet neznanja, nepismenosti, bijede i na kraju u svijet bez svjetle budućnosti. Fondacija stipendira mlade od 18 do 25 godina. Među ovim studentima,

prioritet će se dati studentima koja su slabijeg materijalnog stanja, a pokazuju bolji uspjeh na fakultetu. Podaci o studentima se preuzimaju od državnih institucija koje su po zakonu ovlaštene da ih sakupljaju (kantonalna ministarstva za socijalna pitanja), fakulteta i ličnim podnošenjem molbe za dodjelu stipendije. Stipendije HEMA FOUNDATION u iznosu od 150 KM mjesečno mogu dobiti redovni student (redovni samofinansirajući) sa prosjekom ocjena od 8.5. Svaka aplikacija treba sadržavati: ispunjen formular, dvije slike, potvrdu o smrti-pogibiji (otac ili majka), uvjerenje o redovnom studiranju, potvrda o mjesečnom primanju roditelja-staratelja (plaća-penzija).

**Više informacija i forma za aplikaciju:**  
[www.hemafoundation.ba](http://www.hemafoundation.ba)





## UČESNICI: IAESTE BiH LC SARAJEVO

IAESTE (International Association for the Exchange of Students for Technical Experience) je udruženje za međunarodnu razmjenu studenata tehničkih fakulteta i fakulteta prirodnih nauka radi obavljanja stručne prakse u inozemstvu. Osnovano je u januaru 1948. godine na Imperial Collegeu u Londonu, a danas čini mrežu nacionalnih komiteta u 86 zemalja širom svijeta. Program razmjene studenata posredstvom IAESTE-a započeo je u Bosni i Hercegovini 1952. godine ulaskom Jugoslavije među članice udruženja. IAESTE BiH LC Sarajevo je danas tim studenata Univerziteta u Sarajevu, čiji je zajednički cilj poboljšanje kvaliteta studiranja svih studenata Univerziteta u Sarajevu.

Osnovni zadatak članova našeg udruženja je pronalazak praksi za strane studente u firmama i organizacijama na području Sarajeva. Firma koja prima stranog studenta na obavljanje stručne prakse, vezane za njegovo polje studiranja, dužna je istom osigurati novčanu naknadu, dovoljnu da mu pokrije troškove života za vrijeme trajanja prakse. Razmjene studenata posredstvom IAESTE-a bazirane su na principu 1:1. Svaka praksa ponuđena stranom studentu od firmi u Sarajevu omogućava odlazak jednog studenta Univerziteta u Sarajevu na praksu u inozemstvo.

### Ciljevi IAESTE-a su:

- omogućavanje praktičkog iskustva studentima u inozemstvu,
- promoviranje razumijevanja i saradnje na međunarodnom nivou i
- pružanje kvalificiranih i motiviranih studenata potencijalnim poslodavcima.

### IAESTE pruža studentima:

- neophodno praktičko iskustvo za vrijeme studiranja,
- mogućnost susreta sa modernim tehnologijama proizvodnje,
- mogućnost rada na naučnim projektima u raznim institutima i
- uspostavljanje budućih poslovnih kontakata.



IAESTE BiH LC Sarajevo pruža mogućnost odlaska na plaćenu stručnu praksu u inozemstvo studentima Univerziteta u Sarajevu navedenih fakulteta: Arhitektonski, Elektrotehnički, Mašinski, Građevinski, Farmaceutski, Prirodno-matematički, Šumarski, Veterinarski, Poljoprivredno-prehrambeni i Filozofski fakultet (studijske grupe – Engleski i Njemački jezik).

### Udruženje za međunarodnu razmjenu studenata radi stručne prakse IAESTE Lokalna kancelarija Sarajevo

### IAESTE BiH LC SARAJEVO

Vilsonovo šetalište 9, 71 000 Sarajevo

Tel.: 061 349171, 061 109614

E-mail: [iaestesarajevo@gmail.com](mailto:iaestesarajevo@gmail.com)

Web: [www.iaeste.ba](http://www.iaeste.ba)

Facebook grupa: Iaeste Lc Sarajevo



## UČESNICI: INTERNACIONALNI UNIVERZITET U SARAJEVU

Internacionalni univerzitet u Sarajevu (IUS) je osnovala Fondacija za razvoj obrazovanja Sarajevo (SEDEF), a inauguriran je u studijskoj 2004/2005. godini. IUS je otvoren za studente iz cijelog svijeta i jezik instrukcija i komunikacije na Univerzitetu je engleski. Studenti, koji ne posjeduju dovoljno znanje engleskog jezika, pohađaju jednogodišnji intenzivni program u IUS-ovoј školi engleskog jezika.

IUS čine tri fakulteta i to: Fakultet umjetnosti i društvenih nauka (FASS), Fakultet menadžmenta i javne uprave (FBA), te Fakultet prirodnih i tehničkih nauka (FENS). Uz dodiplomski, sva tri fakulteta nude i postdiplomski studij. Fakulteti nude sljedeće studijske programe, FASS – vizuelne umjetnosti i komunikacijski dizajn, te društvene i političke nauke; FBA – ekonomija, menadžment/rukovođenje i međunarodni i javni odnosi; FENS – biološke nauke i bioinžinjering, računarske nauke i inžinjering, mikroelektronika, industrijski inžinjering.

Sa ciljem da postane glavno središte na Balkanu, gdje se spajaju Istok i Zapad, te vodeće međunarodne institucije visokog obrazovanja i istraživački centri, IUS okuplja brojno akademsko osoblje zavidnog međunarodnog iskustva, kao i studente iz cijelog svijeta. U studijskoj 2010/2011. godini IUS je pohađalo oko 1.200 studenata iz 22 zemlje.

Da bi student diplomirao na Internacionalnom univerzitetu u Sarajevu, on mora ostvariti ukupno 240 ECTS bodova. Jedan kreditni kurs na IUS-u nosi 6 ECTS-a. Studentima su, također, ponuđeni i ne-kreditni kursevi. Studenti, koji do kraja druge godine studija ostvare odgovarajući kumulativni prosjek ocjena (CGPA), mogu aplicirati za program "Double Major" (Dvostruko glavno usmjerenje) ili "Minor" (Sporedno usmjerenje).

Kampus Internacionalnog univerziteta u Sarajevu nalazi se na području općine Ilidža. IUS osigurava određen broj stipendija (u vidu popusta na cijenu školarine) za studente koji su ostvarili izvanredan uspjeh tokom svog školovanja. Dobivanje popusta se vrši na dva principa. Prvi princip je baziran na ocjenama studenata tokom školovanja na IUS-u, što IUS čini jednim od rijetkih univerziteta na kojima studenti mogu ostvariti popust tokom prve, druge ili treće godine. Drugi princip je baziran na rezultatima IUS-ovog testa znanja koji polažu novi studenti.

Za više informacija o IUS-u, njegovim studijskim programima ili stipendijama posjetite: [www.ius.edu.ba](http://www.ius.edu.ba) ili kontaktirajte: [info@ius.edu.ba](mailto:info@ius.edu.ba)





## UČESNICI: OMLADINSKA INFORMATIVNA AGENCIJA



OIA BiH je vodeća nevladina i vanstranačka organizacija na nivou Bosne i Hercegovine koja djeluje kao nezavisni institut za razvoj javnih politika prema mladima sa ciljem poboljšanja položaja mlađih i povećanja njihove participacije u društву. Kroz tri sektora: O (Obuka), I (Info servis) i A (Analize i Advocacy - Policy sektor) OIA sarađuje sa preko 400 vladinih tijela, institucija i ustanova svih nivoa vlasti i sa više od 300 omladinskih organizacija u BiH regiji jugoistočne Evrope i svijeta, te sa nizom međunarodnih organizacija, medijima i mlađima.



OIA nastaje 2001. godine kroz Zajednički omladinski program (ZOP) Fonda „Otvoreno društvo BiH“ – Soros fondacije (OSF), koji se temeljio na Strategiji Fondacije i UNDP-ovom Izvještaju o humanom razvoju u BiH – Mladi 2000.

### Strateški ciljevi

- informirati mlađe o njihovim mogućnostima, pravima i obavezama kako bi ih mogli prakticirati i biti aktivni građani i agenti promjena, kao i informirati javnost o problemima i potrebama mlađih radi stvaranja ambijenta u kojem će se lakše i efikasnije odgovoriti na njih,
- unaprijediti, podržati i ojačati razvoj adekvatnih politika prema mlađima na različitim nivoima u BiH s ciljem poboljšanja položaja mlađih i njihove veće participacije u društву kroz istraživanja, analize i zagovaranje i
- razviti znanje i vještine kod mlađih, omladinskih organizacija, vlasti i drugih institucija, koje će im omogućiti aktivnu participaciju i kvalitetan rad na razvoju javnih politika prema mlađima kroz trening programe, asistenciju, savjetovanje i grantove.



Ono što je trenutno aktuelno u Omladinskoj informativnoj agenciji, te se odnosi se na studentsku populaciju su:

- [www.mladi.info](http://www.mladi.info) – svaki dan korisne informacije o stipendijama, edukaciji, skupovima, konferencijama, profesionalnom usavršavanju, praksama i studentskim organizacijama,
- “Putujemo u Evropu 2011” – program nagradnog putovanja za najbolje studente završnih godina studija u BiH. Više o projektu pogledajte na: [www.hajmo.ba](http://www.hajmo.ba),
- novi priručnik za studente: “Kako postati sexy na tržištu rada? (+Sve o mobilnosti studenata)” izlazi u maju, kada će biti i promocije i diskusije sa studentima u BiH. Više informacija na: [www.munja.ba](http://www.munja.ba) i [www.mladi.info](http://www.mladi.info) i
- informirajte se i aplicirajte preko OIA-e na studij na London School of Commerce u Beogradu i Londonu uz popust od 50%. Više informacija na: [www.lsc.edu.rs](http://www.lsc.edu.rs).

Web: <http://oia.mladi.info>



## UČESNICI: POSAO.BA

Posao.ba je prvi i vodeći bosanskohercegovački internetski portal za zapošljavanje. Kada je pokrenut 2003. godine, tržište rada u BiH bilo je obilježeno velikom stopom nezaposlenosti, nedostatkom kvalitetnog kadra, a broj internetskih korisnika u BiH procjenjivao se na 5%. Posao.ba je donio nov pristup u rješavanju tih problema, brzinu i efikasnost u zapošljavanju, savremene alate i inovativna rješenja. Na svjetskom tržištu rada internetske berze rada već su bile preuzele primat u oglašavanju radnih mesta i potrazi za kadrovima. Za osobe koje traže posao one su postale sastavni dio razvoja njihove karijere, a za poslodavce idealno rješenje, jer su na jednom mjestu objedinile i ponudu i potražnju. Danas se i na tržištu rada u BiH dešavaju krupne promjene. Poslodavci se okreću savremenom pristupu upravljanju ljudskim potencijalima, što Posao.ba kontinuirano promovira kroz svoj rad, kadrovi se educiraju, a znanje postaje osnovna konkurentska prednost. Biti atraktivan poslodavac, ponuditi najbolji kompenzacijski paket, zaposliti najbolje ljude i educirati zaposlenike – danas je od ključne važnosti za svaku kompaniju i sve veći broj bosanskohercegovačkih poslodavaca to prihvata i implementira. Broj internetskih korisnika se vremenom povećava, a prema zadnjim podacima 40% bh. građana koristi Internet. Iako se Posao.ba koristi raznim kanalima i medijima da informira o ponudi i potražnji i one koji još nemaju pristup Internetu, tržište rada u BiH oslanja se najvećim dijelom upravo na ovu web stranicu kao najbrži i najefikasniji način zapošljavanja.

### Youth Employment Project (YEP) – Projekat zapošljavanja mladih

Youth Employment Project (YEP) je jedinstven projekat zapošljavanja mladih u BiH. Korisnici projekta su svi mladi ljudi starosti od 16 do 30 godina, bez obzira na stručnu spremu, zanimanje i dosadašnje radno iskustvo. Za prvih 18 mjeseci (oktobar 2008. – april 2010), što je i polovina perioda implementacije Projekta, partneri Projekta zaposlili su 593 mlade osobe. Cilj nam je da do kraja prve faze projekta, tačnije oktobra 2011. godine, posredujemo u zapošljavanju još najmanje 600 osoba. U projekat se možete uključiti popunjavanjem svoje biografije na gornjem linku ili prilikom posjete mobilne jedinice projekta vašem gradu. Mobilna jedinica projekta obilazi mjesta i gradove, sarađuje sa školama i poslodavcima, oglašava otvorena radna mesta, te mladim ljudima omogućava

da na licu mesta apliciraju za neka od oglašenih radnih mesta. U sklopu ovih posjeta organiziraju se i radionice koje mladima pružaju osnovnu obuku o aktivnom traženju posla: kako napisati biografiju, kako se predstaviti na razgovoru za posao, samozapošljavanje kao vid zapošljavanja. Projekat zapošljavanja mladih finansira Švicarska agencija za razvoj i saradnju (SDC) i Austrijska agencije za tehničku saradnju (ADC), a implementira ga njemačka kompanija GOPA uz pomoć lokalnih partnera.



**Web:**

**[www.posao.ba](http://www.posao.ba)**



## UČESNICI: SARAJEVO SCHOOL OF SCIENCE AND TECHNOLOGY

Sarajevska škola za nauku i tehnologiju (SSST) je elitna privatna visokoškolska institucija. Kao prvi privatni univerzitet u Bosni i Hercegovini, SSST je svojim visokim standardima ubrzo postao poznat kao jedna od okosnica savremenog obrazovanja u BiH. U namjeri da ponudi programe koji će pratiti svjetske standarde obrazovanja, SSST je uspostavio saradnju sa Univerzitetom u Buckinghamu ([www.buckingham.ac.uk](http://www.buckingham.ac.uk)), Velika Britanija, te na taj način diplomantima osigurava dvije diplome – diplomu SSST-a prema bolonjskim principima studija, te diplomu Univerziteta u Buckinghamu. SSST nudi dodiplomske i postdiplomske studije iz kompjuterskih nauka, informacionih sistema, ekonomije, političkih nauka, međunarodnih odnosa, engleskog i njemačkog jezika, te filmske režije. Univerzitet njeguje tendenciju razvoja, te svake akademske godine kreira i uspostavlja nove, ali i inovativne nastavne programe. Nastava na SSST-u se izvodi na engleskom jeziku.

U toku dodiplomskih četverogodišnjih studija na SSST-u studenti, uz svoj glavni studij, prate i dodatni program (dodatnu specijalnost). Svaki student prati nastavu i na matičnom fakultetu i na dodatnoj katedri u okviru Univerziteta. Na taj način studenti stječu dvije specijalnosti nizom različitih kombinacija (npr.: informacioni sistemi i ekonomija, ili kompjuterske nauke i elektrotehnika itd). Pored dodiplomskih studija, SSST nudi i postdiplomske magistarske i doktorske studije, također u saradnji sa Univerzitetom u Buckinghamu. Nastavni proces prati najsvremenije trendove nauke, te je prilagođen i studentima koji rade, jer se predavanja odvijaju u poslijepodnevnim satima. Studenti postdiplomanti se često uključuju u istraživačke projekte SSST-a.

Istraživanja na SSST-u realiziraju se putem nekoliko istraživačkih centara Univerziteta: Instituta za softverski inženjering i informacione tehnologije, Instituta za prirodne resurse, Instituta za ekomska i politička istraživanja, Balkanskog instituta za izučavanje konflikata, odgovornosti i pomirenja, Digitalnog media centra, te Istraživačkog centra za energiju i vodu.

SSST je trenutno smješten u centru Sarajeva, gdje raspolaže amfiteatrom i manjom salom za predavanja, nizom učionica, dvije kompjuterske laboratorije, centrom za digitalne medije, pratećim kancelarijama, studentskom službom, kafeterijom i ostalim sadržajima neophodnim za savremeni nastavni proces. Od akademske 2011/2012. godine Univerzitet proširuje svoj Kampus u sarajevskom naselju Iličići, koji se nalazi u sklopu univerzitetske zone u Sarajevu.

### Cijena studija:

cijena studiranja na SSST-u iznosi 5.000 EUR-a po godini svakog studija. SSST nudi povoljne kredite sa *grace* periodom (odgođenom otplatom kredita).



### Sarajevo School of Science and Technology

Bistrik 7, 71000 Sarajevo

Tel.: +387 33 563030

Faks: +387 33 563033

**Web:** [www.ssst.ba](http://www.ssst.ba)

**E-mail:** [admissions@ssst.edu.ba](mailto:admissions@ssst.edu.ba)

## UČESNICI: STUDENTSKI INFORMATIVNI CENTAR

SRCe je Studentski informativni centar osnovan od Fonda „Otvoreno društvo BiH“ 1998. godine kao dio mreže SRCe centara u svim zemljama u kojima djeluje OSI. SRCe pruža informacije o mogućnostima i načinu obrazovanja na univerzitetima i obrazovnim institucijama u zemlji i inozemstvu. Ovaj program je namijenjen srednjoškolcima, studentima dodiplomantima, postdiplomantima i doktorantima, kao i svim drugim osobama koje zanima više ili dodatno obrazovanje u zemlji i inozemstvu. SRCe pruža informacije o mogućnostima obrazovanja, studijskim kursevima i radionicama iz različitih akademskih područja sa domaćih i stranih institucija o tome kako aplicirati za strane univerzitete i seminare, šta je potrebno za aplikaciju, kada počinje prijava aplikacija, kako napisati biografiju, kada i kako tražiti finansijsku pomoć, stipendiju ili posao za studente.

SRCe u informacijskoj bazi posjeduje podatke o:

- univerzitetima u BiH,
- univerzitetima u SAD-u, Evropi i drugim dijelovima svijeta,
- obrazovnim disciplinama, društvenim i humanističkim,
- načinu prijave za studij u inozemstvu (izbor univerziteta, uspješno apliciranje na konkurse, pisanje biografije, molbe, pisma, preporuke, intervju...),
- aplikacijama za upis ili kurs na obrazovnim institucijama,
- testovima stranih jezika i raznim drugim testovima i
- stipendijama i drugim oblicima finansijske pomoći tokom studija i sl.



SRCe administrira visokoškolske i srednjoškolske programe FOD BiH:

- CEU - Centralnoevropski univerzitet
- SUN - Ljetni univerzitet
- Postdiplomske stipendije za Veliku Britaniju
- Undergraduate Exchange Program UEP
- HMC

## STUDENT RESOURCE CENTER

Zmaja od Bosne 8, 71 000 Sarajevo  
Tel.: + 387 33 206048  
Faks: + 387 33 212032

**www.srce.ba**

## UČESNICI: STUDENTSKI PARLAMENT UNIVERZITETA U SARAJEVU

Studentski parlament Univerziteta u Sarajevu (SPUS) je osnovan 2008. godine kao jedino, krovno i legitimno demokratski organizirano udruženje sa ciljem da zastupa, promovira, štiti i ostvaruje interes i prava studenata, te doprinese poboljšanju studijskih i socijalnih odnosa, kao i da razvija druge interesne aktivnosti studenata Univerziteta u Sarajevu. Studentski parlament čine asocijacije fakulteta, akademija i pridruženih članica. Djeluje u interesu razvoja i napretka kvaliteta studija i studentskog standarda na Univerzitetu u Sarajevu.

Svaki aktivan student Univerziteta u Sarajevu ima pravo da bira i da bude biran u organe SP-a, a organi Studentskog parlamenta su:

- Skupština,
- Izvršni odbor sa komisijama; Komisija za kulturu i zabavu; Komisija za sport i sportska pitanja, Komisija za reformu nastavnog plana i programa, komisija za studentski standard i praksu, Komisija za međunarodnu saradnju, informiranje i odnose sa javnošću, Komisija za naučnoistraživački rad i Komisija za odnose sa privredom,
- Nadzorni odbor,
- generalni sekretar,
- potpredsjednik i
- predsjednik.

SP postoji radi studenata.

SP želi da u svakom trenutku i u pravom smislu funkcionira sistem komunikacije i rada. SP želi da otkloni strahove i zadovolji potrebe, nadanja studenata, da bude pravi servis studentima u rješavanju problema i realizaciji projekata, da iskreni rad i trud rezultira kolektivnom studentskom srećom i zadovoljstvom. SP želi da timski sa studentima i Univerzitetom sustignu zaostatke u reformi obrazovanja, ali i da poboljša uvjete rada, ambijentalnost i kvalitet studiranja i studentskog standarda na Univerzitetu što će rezultirati željenim kvalitetom kako bi se lakše pozicionirali i bili stabilniji na tržištu.

Na kraju, vrijeme je da se studenti oslobole bezvoljnosti, straha i pokažu da su zainteresirani, smjeli, voljni i odlučni kada su u pitanju dešavanja na Univerzitetu i društvu, jer studenti su ti koji sa sobom trebaju donijeti pozitivne promjene.



**Studentski parlament  
Univerziteta u Sarajevu**  
Zmaja od Bosne 8, 71000 Sarajevo  
**Telefon/Faks:** +387 33 205937  
**E-mail:** info@spus.ba  
**Web:** [www.spus.ba](http://www.spus.ba)



## UČESNICI: UDRUŽENJE „SPAJALICA“



Udruženje „Spajalica“ je nevladina, neprofitna i nepolitička organizacija koja je osnovana sa ciljem promoviranja, razvoja i unapređenja obrazovanja u Bosni i Hercegovini. Temelje Udruženja su augusta 2008. godine postavili nekadašnji i sadašnji studenti Univerziteta u Sarajevu. Udružili smo se oko ideje da se, zaista, sa malo humanosti i osjećaja za druge može uraditi dosta na popravku slike i stanja kompletne zajednice, odnosno da je svaki pojedinac vrijedan pažnje, podrške i pomoći, ali da i sam sve to može ponuditi drugima. Probudititi istinske vrijednosti, odnosno vrijednosti o kojima se priča da su nekad bile kad su ljudi željeli drugima kao i sebi, bila je pokretačka snaga koja nas je vodila ka osnivanju Udruženja. Simboličnog naziva „Spajalica“ (spaja lica) započeli smo s gradnjom mostova koji spajaju one koji nude pomoći mladima i obrazovanju u Bosni i Hercegovini sa onima kojima je pomoći potrebna. Mišljenja smo da treba ulagati u znanje i one koji tragaju za njim jer to je jedan od glavnih puteva koji vode ka uspjehu društva. Našoj domovini su potrebni mladi i obrazovani ljudi koji će se svojim trudom i znanjem zalagati za dobrobit cjelokupne zajednice i time jačati zajednicu gradeći mostove koji će dugo trajati.

Sva djelovanja Udruženja prožimaju se kroz prizmu koju čine tri koraka (cilja):

1. uvezivanje, upoznavanje i uključivanje građana Bosne i Hercegovine u svrhu pružanja svakog vida pomoći i podrške obrazovanju građana,
2. usmjeravanje te pomoći i podrške u sve oblasti obrazovanja od značaja za državu Bosnu i Hercegovinu i
3. rad kako sa osobama koje uživaju pomoći i podršku Udruženja, tako i sa svima koji su skloni navedenim ciljevima kroz razne aktivnosti u svrhu razvijanja svijesti o značaju obrazovanja i zajedničkog pružanja pomoći i podrške obrazovanju.

Udruženje, u sklopu svog dosadašnjeg djelovanja, navedene ciljeve realizira kroz svoje projekte:

- prvi projekat Udruženja je stipendiranje studenata pod nazivom „**Studenti stipendiraju studente**“, koji se realizira pod motom „**Učinimo svaki dan jedno dobro djelo**“, tj. izdvojimo svaki dan po 1 KM i
- drugi projekat Udruženja je **prvi bh. portal o stipendijama „Stipendije.ba“**. Ovim projektom su objedinjene sve informacije o stipendijama iz cijele Bosne i Hercegovine na jednom mjestu.



## Udruženje „Spajalica“

Grbavička 6a, 71000 Sarajevo

Tel.: +387 61 255071

Web: [www.spaja-lica.com](http://www.spaja-lica.com)

E-mail: [info@spaja-lica.com](mailto:info@spaja-lica.com)



## UČESNICI: UDRUŽENJE STUDENATA „STUDIRAJeu“



**STUDIRAJeu** je zajednički projekat bosanskohercegovačkih studenata sa iskustvom studiranja u Beču, Gracu i drugim evropskim gradovima. Naš prvenstveni cilj je pružanje relevantnih informacija u vezi sa studiranjem u Austriji, ali i u ostaku Evrope, kao i izgradnja spone između diplomanata i Bosne i Hercegovine sa dugoročnim ciljem jačanja kvaliteta akademskog nivoa u BiH i njenoj dijaspori.

**STUDIRAJeu** pruža mogućnost za:

1. uspostavljanje direktnog kontakta sa studentima i diplomantima koji će vam pomoći pri prvim koracima u inozemstvu,
2. postavljanje pitanja u vezi s vašim studijem u EU, stanovanjem i ekonomskim mogućnostima i
3. kontakt sa uspješnim diplomantima i akademicima.

Sjedište naše organizacije je u Beču, a puno ime joj je Verein Bosnisch-herzegowinischer Studenten und Akademiker in Europa.



Sve informacije o studiranju i životu van Bosne i Hercegovine, tj. ukoliko imate općih pitanja o samom projektu, odnosima sa javnošću, tutorstvu i slično, dobićete ako koristite naš kontakt formular na stranici:

**UDRUŽENJE  
STUDENATA  
„STUDIRAJeu“**  
**[www.studiraj.eu](http://www.studiraj.eu)**



## UČESNICI: UNIVERZITET U SARAJEVU

Od svog osnivanja Univerzitet u Sarajevu bio je okrenut ka svijetu i međunarodnoj saradnji, sklapajući sporazume i protokole sa univerzitetima sa svih kontinenata. Težeći da postane ravnopravan partner u svim segmentima sa ostalim evropskim univerzitetima i naučnim i istraživačkim organizacijama, ulagao je veliki napor da dosegne potreban kvalitet u svim segmentima. Naš cilj je podizanje kvaliteta studija i stvaranje savremenog univerziteta evropske provenijencije koji će biti respektabilan reprezentant Bosne i Hercegovine na internacionalnom nivou i promotor tradicionalnih, historijskih, kulturnih, naučnih i umjetničkih vrijednosti ovog dijela Evrope.



### Osnovne aktivnosti Službe za međunarodnu saradnju:

- razvoj međunarodnih odnosa s partnerskim univerzitetima u svijetu,
- podsticanje i koordiniranje procesa mobilnosti studenata, nastavnog, istraživačkog i nenastavnog osoblja u oba smjera,
- razvoj aktivnosti u vezi sa međunarodnim obrazovnim projektima,
- saradnja sa akademijama i fakultetima Univerziteta u Sarajevu sa ciljem poboljšanja uvjeta za odvijanje međunarodnih aktivnosti i
- izrada međuniverzitskih i istraživačkih projekata i saradnja u organizaciji međunarodnih konferencija.



Univerzitet u Sarajevu je veoma aktivan i u procesima mobilnosti. Mobilnost podrazumijeva razmjenu studenata, nastavnika i saradnika između našeg univerziteta i partnerskih univerziteta iz Evrope i cijelog svijeta. Naš univerzitet učestvuje u nekoliko programa mobilnosti kroz koje pruža administrativnu i organizacijsku pomoć stranim studentima, nastavnicima i saradnicima u razmjeni na Univerzitetu u Sarajevu, kao i domaćim studentima koji idu u razmjenu na inozemne univerzitete. Univerzitet u Sarajevu je 2008. godine ostvario pravo učešća u projektu iz programskog paketa Evropske komisije Erasmus Mundus 2, koji je i predstavio na *Drugom sajmu stipendija 2011*. Projekti mobilnosti u okviru

Erasmus Mundusa 2 su BASILEUS, JoinEU-SEE i EM2STEM.



## UNIVERZITET U SARAJEVU SLUŽBA ZA MEĐUNARODNU SARADNJU

Obala Kulina bana 7/II

Tel.: + 387 33 565116

Faks: +387 33 565116

E-mail: [jasna.bosnjovic@unsa.ba](mailto:jasna.bosnjovic@unsa.ba) i [adnan.rahimic@unsa.ba](mailto:adnan.rahimic@unsa.ba)

Web: [www.unsa.ba](http://www.unsa.ba)

### ERASMUS MUNDUS 2 projekti:

BASILEUS: [www.basileus.ugent.be](http://www.basileus.ugent.be)

JoinEU-SEE: [www.joineusee.eu](http://www.joineusee.eu)

EM2STEM: [www.em2stem.eu](http://www.em2stem.eu)

## ISKUSTVA SA SAJMA

Vi, kao organizatori, dali ste sve od sebe i više da bi mi kao izlagači otišli sa Sajma zadovoljni. Ja sam uvijek optimista i nadam se da će biti u mogućnosti da sljedeće godine organizujete sličan skup. Što se tiče Američke ambasade, za nas je ovaj sajam odličan način da studentima, roditeljima, profesorima, uposlenicima približimo naše programe i ohrabrimo ih da se više informišu i kontaktiraju nas. Ja sam razgovarala sa vjerovatno 250 osoba tokom Sajma i ne znam kako bi ih mogla skupiti na jednom mjestu da vi to niste organizovali. Isto tako, na ručku i nakon Sajma imala sam priliku da se upoznam sa nekim od izlagača, te razmijenimo iskustva.

Puno vam hvala!

**Paša Lejlić,**

**Ambasada Sjedinjenih Američkih Država u Bosni i Hercegovini**

Želim da se zahvalim na, zaista, veoma dobroj organizaciji ovogodišnjeg Sajma!

**Anesa Terza-Vuković,**

**Ambasada Češke Republike u Bosni i Hercegovini**

Najprije želim da iskoristim ovu priliku da vam se zahvalim što ste nam omogućili da učestvujemo na Sajmu stipendija 2011 i upoznamo studente sa našim radom i onim što mi nudimo. Što se tiče organizacije Sajma stipendija 2011, mogu reći samo sve najbolje.

**Diana Džaka,**

**koordinator projekta Omladinske informativne agencije BiH**

Oduševljen sam! Prezadovoljan sam ovim što smo danas postigli, da okupimo ovoliki broj stipenditora i studenata.

**Adnan Bajrić, predsjednik Studentskog parlamenta Univerziteta u Sarajevu**

Sajam je veoma dobar iz razloga što nudi dosta informacija na jednom mjestu. Organizacija je bila veoma dobra i nemam nikakve zamjerke.

**Sanela Džudža, maturant Srednje muzičke škole u Sarajevu**

Ovaj sajam je veoma koristan, organizacija je bila OK i svida mi se što smo na vrijeme bili informisani.

**Erna Hrustić, Asocijacija studenata Muzičke akademije**

Smatram da je ovo dobra prilika za mlade da se informišu o mogućnostima akademskog obrazovanja i nadogradnje u karijeri. Organizacija je bila na nivou, lako je bilo pronaći lokaciju, a izlagači su bili veoma pristupačni.

**Mirza Čengić, Prirodno-matematički fakultet**

## GALERIJA







UNIVERZITET U SARAJEVU  
www.unsa.ba



Naredni sajam stipendija (Treći sajam stipendija 2012) je planiran u drugoj polovini 2012. godine. Ukoliko biste željeli učestvovati na ovoj sajmu bilo kao prezentator stipendija, suorganizator ili kao sponzor, molimo vas da nam se javite na naše kontakt podatke:

**UNIVERZITET U SARAJEVU**  
**SLUŽBA ZA MEĐUNARODNU SARADNJU**  
Obala Kulina bana 7/II  
71000 Sarajevo  
Bosna i Hercegovina

Telefon: +387 33 565116  
Faks: +387 33 565116

Jasna Bošnjović,  
stručna saradnica za međunarodnu saradnju  
E-mail: [jasna.bosnjovic@unsa.ba](mailto:jasna.bosnjovic@unsa.ba)

Adnan Rahimić,  
stručni saradnik za međunarodnu saradnju  
E-mail: [adnan.rahimic@unsa.ba](mailto:adnan.rahimic@unsa.ba)

